

Maiñ Bheḍ Aur Tu Merā Charwaahā

Zabur 23

Allaah taa'alā merā charwaahā^[a] hai,
islie mere paas har wo cheez hai jiskī mujhe zarurat hai.⁽¹⁾

Wo mujhe hariyaalī me āraam karaatā hai,
aur mujhe us jagah par le kar jaatā hai jahaan maiñ sukun se paanī pī saktā huñ.⁽²⁾

Wo merī ruh ko taazā kar detā hai,
wo mujhe, apne naam kī izzat ke liye, nekī ke raaste par le kar jaatā hai.⁽³⁾

Agar maiñ chal kar gayā, kisī andherī ghaatī me,
to mujhe kisī bhī cheez se ḍar naheen lagegā,
kyuñki tu hai, mere saath, yā Allaah rabbul azeem.
Terā charwaahoñ waalā ḍaṅḍā mujhe raastā dikhaatā hai jisse mujhe sukun miltā hai.⁽⁴⁾

Tune mujhe acḥā khaanā diyā,
mere dushmanoñ ke saamne.
Tune apnī rahamat mere upar uṅḍel dī;
tune itnā diyā ki mere liye bahut hai.⁽⁵⁾

Sach hai ki terī acḥaaī aur raham dilī mere saath saarī umr rahegī
aur maiñ tere ghar me hameshā rahuṅgā.⁽⁶⁾

[a] Daaud^(a.s), ek charwaahē ke taur par, bheḍeñ charaayā karte the. Aur jab wo bheḍ charaane jaate the to Allaah taa'alā kī shaan me hamd gungunaayā karte the. Ye wo hamd hai jismeñ wo Allaah taa'alā ko ek sabse acḥā charwaahā aur ḳḥud ko wo ek bheḍ kah rahe haiñ jo apne charwaahē se bahut ḳḥush hai. Wo Allaah kī hamd-o-sanā kar rahe haiñ aur kah rahe haiñ, "Allaah rabbul ālameen ne (ek behatreen charwaahē kī tarah) mujhe (ek bheḍ ko) wo sab diyā hai jo (ek bheḍ ko) mujhe chaahie."